

مدرسة سلوان الابتدائية للبنات

سكتش 4 : مخاطر الإدمان على الانترنت – إعداد المعلمة هيفاء عبيدات

تمثيل الطالبات : داليا القنبر ، ساجده الأطرش ، عايشه غزالي و رزان جولاني و رولا كاشور من الصف السادس ج والطالبة اسراء الزغل من الصف السادس أ

المشهد الأول

الأم (ساجدة) : الساعة الرابعة

الأم (تحكي مع داليا) : يا بنتي الساعة 4 لس بكير على الانترنت وطق الحنك ، أول ادرسي دروسك و اعلمي واجباتك وبعدين بتفوتي على الانترنت . لاحقه عليها

داليا: يمه خليني بس شوي اطمن على صاحباتي وبعدين بقوم ما رح طول

الام : بس هلا بضيع الوقت وانتي من موضوع لموضوع

داليا : خلص قلنتك بس شوي

الام : لا حول ولا قوة الا بالله . طيب انا رايحة ازور ستك ما تطولي قومي ادرسي

المشهد الثاني ما زالت داليا على الحاسوب الساعة 7

ترجع الأم :

الأم : رح وارجعت وانتي لس على النت . ما حكيتي بس شوي و بتقومي . الساعة 7 هي الك 3 ساعات على النت ايما بدك تعلمي واجباتك و تدرسي

داليا : اووووووووووه خلص احنا اليوم ما فيه علينا واجبات ، حلينا كل الواجبات في المدرسة و درست انا و صاحبتني وما ضل عليه اشي

الام : يا بنتي كل يوم بسمع منك هالكلام ، مش خجلانه من علاماتك ، شوفي صاحباتك كيف شاطرين و بدرسي و بستفيدوا كمان من الانترنت مش بضيعوا وقتهم متلك على الكلام الفاضي .

داليا : شفتهم شاطرين متلك

الام : رح تيجي علاماتك و بنشوف

داليا : ما بترد و ببضرب في ايدها لامها روجي
الام تذهب و تجلس تطرز

المشهد الثالث : الساعة 10 ليلا وما زالت داليا على الحاسوب

الأم : ما شبعتي من الكلام الفاضي ، دراسة وما درستي . الساعة 10 على الأقل
قومي نامي علشان تقدري تصحي الصبح تروحي على المدرسة .

داليا : طيب خلصت و هيني بدني أقوم

الأم : بحكي قومي هلا علشان تريحي جسمك و تقدري تركزي بكره في الصف .

داليا : بتحكي مع حالها (بعمل حالي بدني نام و بس تنام امي برجع بفتح النت و
بقعد قد ما بدني)

المشهد الرابع : الساعة 7 صباحا

الام (الساعة 7) : داليا قومي يلا اصحي تأخرتي على المدرسة () بتروح
شوي تحضر فطور وشاي

الأم : شو لس ما صحيتي الساعة 7:30 ايما بدك تلحقي توصلي

بتقوم داليا : اوف اوف لازم المدرسة شو هالقرف .

المشهد الخامس :

في الصف داليا نايمة :

المعلمة (عايشه) : داليا ، داليا بحكي معاك

داليا : تصحي وبترد على المعلمة وهي بترجف : ننانننم

المعلمة : كم يساوي 4×4

داليا . ما بتجاوب بتصير تحك في راسها وتحسب على ايديها وتحكي بصوت

واطي 4×4 . طبعا ما بتعرف تجاوب

عايشة (المعلمة) : شو ليش مش دارسة ، ومش حالة الوظيفة و ناسية الدفتر شو
هالأهمال

داليا : مميمممس ما درست امي كانت مريضة

صاحبته (رزان) بتوقف و بتحكي للمعلمة : مس كزابة هي حكيتلي طول الليل
كانت سهرانه على النت ونسيت تعمل واجباتها

هنا تدخل الطالبة رولا كاشور وتضرب بيدها على الطاولة و باليد الأخرى ترفع
إشارة قف .

تدخل الطالبة إسراء الزغل و تقرأ الحديث الشريف :

قال رسول الله صلى الله عليه وسلم " لا تزولُ قدما عبدٍ يوم القيامة
حتى يُسألَ عن عمره فيم أفناه وعن علمه فيم فعل فيه وعن ماله
من أين اكتسبه وفيم أنفقه و عن جسمه فيم أبلاه " .

بعدها تتجمع الطالبات وينشدن نشيد ضيع وقته الانترنت .

كلمات النشيد موجودة مع الأناشيد .